

新樂縣志卷之二十

續雜志

志曰浮圖神廟興於漢至北魏遂無子遺唐宋以來復遠近相望近又遣僧道歸俗亦古今盛衰之一會也至災異其石諸氏多詳言之讀春秋傳乃曰人事感於下天變應於上以人勝天是在修德修救者故並續之勿忽

明

萬曆二十五年丁酉春大風蔽日晝晦

新樂縣志卷之二十一

二十八年庚子大旱

三十四年丙午蝗蝻

三十五年丁未大水

三十七年己酉大旱自正月不雨秋九月乃雨

四十五年丁巳蝗

四十八年庚申八月朔日食

天啓二年壬戌大水

三年癸亥大水

六年丙寅夏六月初四日夜四更地震自西北達東南

崇禎六年癸酉沙鷄遍野

十四年辛巳大饑

十七年甲申春正四日酉時有星入月二月有星入

日日有大暈

清

順治元年甲申有年

二年乙酉七月大水

三年丙戌七月初二日蝗

五年戊子秋八月虫食穀穗

新樂縣志卷之二十一

二

十年癸巳大水

十一年甲午大水民饑

十二年乙未大水

十三年丙申大水

十五年戊戌郃河南徙趙村東派河北徙與城後馬

家山對

十六年己亥棉花生螺如人形鄉人呼為木棉佛是

年知縣林華皖重建 文廟告成六月李園產紫靈

芝一朶後變呈五色越數日復產一朶色黃

八月二十七日孔子誕辰殿內朱草生計四莖長三四寸許無葉莖上有頂圓如榆錢色金紫在子思子神位前

十七年庚子有年五穀登棗果熟

康熙四十四年六月初十日蝗飛蔽天

五十五年五月二十二日兩雹大者如碗深三寸

五十七年四月初一日大風晝晦

雍正三年七月大澇

十三年八月十四日隕霜殺稼

乾隆二年七月大澇

國恩賑濟民得存活

十七年四月十八日風霾殺苗

附鐵鍋槐

村東半里許路旁有大槐一株康熙三十年天雷震劈里人用鐵環之樹得不死至今蔚然蔽芾見者指為鐵鍋槐流傳至今因名其村曰鐵鍋槐村